

沅陵縣志 卷之四

湖廣辰州府沅陵縣知縣即廷棟修

教諭張佳晟編

山川志

名山大川國家登之祀典一丘一壑之奇文人墨士觀感係焉矧茲沅酉之潑泱巖洞之靈奇咸足爭勝固當悉表之以見鍾秀之有在也壤地雖僻水石間別一天地茲採有關地方可供遊賞者公之世人志山川

形勝

風土記云內控諸蠻外爲武陵障蔽又曰重岡複嶺
截然險峻

元和志溪山阻絕非人跡所履

宋志地連溪崗控邊面甚廣

廣輿記重岡疊嶺控扼溪崗險要固塞之地

楚通志內作五溪咽喉外爲武陵保障楚西偏郡環
蔽諸蠻山環而峻水激生波辰固洞庭以北一與
區也

沅陵縣志

卷之四 山川

二

侯加地曰辰陽內控諸蠻咽喉匪此則商販不通
外爲武陵障蔽匪此則諸蠻逼境末由安枕矣第
舟行則湍急險峻水多亂石陸行則重岡曲隴車
難方軌爲西南要害固塞之地然而丘壑淵宏峰
巒聳削多足以娛耳目而供遊觀也

按辰多山而洞庭所受之九江其五在辰蓋山
發于岷蜀水源于黔播水勢湍激實由山形峻
削耳陸之辰龍關水之清浪壺頭山一天險也
設險守國辰有之矣

山

桐木山府治

飛霞山城隍廟

鶴鳴山縣學後昔人傳山有大松樹十圍鶴每來棲

其上

天寧山城內報恩寺基

虎溪山城西舊有陽明書院

龍泉山城西北河口有龍泉

三嵎山城東三峰鼎峙有三嵎寺

沅陵縣志

卷之四 山川

三

客山江南一名南山

怡容山江東峰巒奇秀晴日橫空紫霞重疊足供遊

詠

香爐山江東上有塔七級知府毛允讓建

鳳凰山江東上有寺遊屐頗衆

銀壺山縣東結灘下山高懸一石形如壺色如銀

壺頭山縣東山形如海上方壺上一池夜有月映山

生薤云馬伏波屯兵時所種今或無意遇之捆負

而歸

明月山縣東一峰削立江干上有菴懸徑曲折望水面如畫下有明月池碧崖翠葉倒映池如月明馬鞍山縣東山勢起伏有江孟輪評

萬陽山縣東麻伊湫峭聳巖勢舊有鐵瓦寺進士唐愈賢家其旁因字萬陽

撐架山在界首下三石山品立銳十餘丈通志載辰東有支鼎石疑卽此云夸夫逐日止此山支鼎爲食

銅鼓山縣東北

沅陵縣志

卷之四 山川

四

雲臺山縣東南

洪山縣東南山逆行百餘里連峰列峙爲郡城賓山金華山縣南上有菴前石一塊橫三尺縱五尺碎金疊起故名金華天半側嶺如橋四圍削立登望城郭皆見有洞曰雷公洞深數十丈洞前有泉清冽汲者梯而下取烹茗極佳洞中雷嘗出入菴內沅邑諸山惟此號靈異可觀

金雞山縣南在羅油溪上有金雞小洞近建菴山下溪水廻環平山掩映

聖人山縣東南與安化界俗傳大禹治水經宿其上
至今產聖人菜味甚美

光明山縣西一名龍門有丹砂井夜半光明燭天其
下有龍爪巖

小酉山縣西烏速地玉屏爲頂蓮花爲座上有煉丹
池右有藏書篋中空可容數人旁有記巖記藏書
之由今無考左旁有石穴名妙華洞舊傳周穆王
藏書于此非也或曰秦人避地藏書于此洞在巖
半梯而上深入聞篙櫓聲明末尚有避兵洞中者

沅陵縣志

卷之四 山川

五

今僅餘外一層有石棹可坐數人內漸閉不可入
山境幽異藤石縈遶宛若仙境下爲烏速灘

盤龍山與小酉對峙如龍之盤有菴曰盤龍下有龍
爪巖

高望山縣西北其高二十里爲土司界

羅星山縣西北傳唐黃元仙棄官隱此

茗山縣北谷深巖險人獸阻絕

赤竹山縣南與洪山連峰極峻天欲雨其上先有雲
霧僧厥修建菴曰雲霧知縣袁偉嘗遊其巔爲僧

題淨室銘

牛頭山縣東下有白砂灘岸橫一石舊傳王文成公
手書白砂二字今字形隱約遠望之猶見

巖

白巖縣北

燕子巖北河口其旁有泉水甚甘前人題石曰金砂
井今尚存

印巖縣北

白龍巖縣西沅江上傳有白龍曾伏其上今白石峭
沅陵縣志

卷之四 山川

六

起其首若龍然

辛女巖縣西沅瀘界江上奇峰絕壁有石立如人俗
傳高辛之女于此化爲石其說誕羅泌有辯隔江
對峙一巖有機一乘船一隻懸于巖孔又連亘十
餘里皆峭巖巖中有洞里人懸而上避兵馬列柵
豎門亦鱗次可觀

金龜巖縣南在船溪驛其巖之上有八卦痕

鐵箱巖縣東在界首如箱形鎖鑰俱全

鹿耳巖山半一石尚宛似鹿耳洞內爽朗冬溫夏涼

邑人胡鰲姚璋讀書其中

坡

望城坡縣江南下五里坡建關帝廟上五里坡乃始坡縣東

青山坡縣南

橫岡坡縣北

七盤嶺縣東南山勢峭拔當道過者艱之

關

芙蓉關縣東八十里

沅陵縣志

卷之四 山川

七

武勝關縣南六十里

辰龍關縣東界亭驛下三里長一里許廣僅容雙馬兩旁石壁高二丈餘光華峻峭猿鳥莫踰旁無間

道

坪

紅樹坪縣西北

清水坪縣西

白洋坪

覃家坪

南庄坪在辰溪縣南岸舊傳田係沅陵有額載糧數
洞

白霧洞縣東南楊家坪中有石仙石龍玲瓏奇異
柘溪洞縣東南上石穴有風雨雪三處前有石池相
傳龍居其中

甕子洞 縣東形如廬水聲如甕响沿江岸峭壁深潭
船行無從繞曳者數十里前岳常道憲遲公
日豫日擊其艱捐銀二千兩委官製鐵索數
百丈鑿孔嵌係舟人縛曳以進極為便利

小酉洞縣西北即妙華洞

雲從洞縣南明知縣郁始闢焉深可數里藍水遶其

沅陵縣志 卷之四 山川 八

前清淺可愛舊有雨花菴

歐公洞縣東北峭壁懸崖有水簾垂數十丈聲如鳴

珂

鍋洞縣西清水舖洞內有仙人種田遺跡在石上可

占水旱門外有石鍋

水洞縣南乾溪舖洞深二十里可藏萬人為居民避
兵之所知府鄔嘗遊此因其暑甚涼冬甚溫改曰

溫涼洞

七仙洞縣南乾溪舖東有七門傳七仙女寓此今奉

爲五谷神春秋祀之

玉華洞縣西南船溪驛路右舊名偏巖知縣王京更名朝陽叅政郭棐改曰玉華洞內有石乳結柱作鐘鼓鳴又結花草虬龍諸像雲光霞彩宛若仙境遊人詩句如林今多存者

溪 地以溪名者多不悉載

沅江縣城外源出自播州經沅州故曰沅合渠陽錦江澱浦辰瀘諸水流遶縣前王昌齡詩曰沅水東流到辰陽

沅陵縣志

卷之四 山川

九

辰水縣東二里源出三嵎山入沅江 按三嵎山甚小水源甚近志以辰水名不知何取郡志曰南有辰水出三嵎山其非辰溪之辰水明矣昔稱五谿爲辰漸酉澁元也一辰水水經註曰辰水出三山谷東南流入沅江一澁水出澁浦縣西三十里卽雙龍江經大澁山下東入沅江一漸水又名澦水沅州舊爲舞陽也上自鎮沅下入沅江又名無水澦水武水一水五名聲之變耳一酉水一元水卽沅水流過沅陵合諸水東去爲元廣輿記以爲雄

補酉武辰地輿志以爲雄朗辰沅武所載不一今據辰志訂之以俟博識者辯焉

老灣溪縣南岸

酉水縣西北源出苗地丫角山舊云出酉陽土司者非水經小酉山出北河入沅水

明溪縣西北源自永順司賀虎山古作楠溪出北河入沅水

會溪縣西源自永順司高望山上有蔴溪下有江洋溪俱會于北河唐天授初析辰州大鄉縣置溪州

沅陵縣志

卷之四 山川

十

于此宋熙寧間築城明洪武初改爲巡檢司

施黔溪縣西自施州黔陽江發源與會溪水合流東入沅水

兩岔溪縣西當灑酉小會之所

上下灑溪縣西

春伊溪縣西南

藍溪縣南源出楓溪渭溪二水合流楊家坪匯白霧諸小溪曲折歷桐木坪又一源出湖田至黃土田兩岔溪合流長田西流逆出縣上十餘里藍溪入

江或曰此射文水也

荔溪縣南源出漵浦界歷麻溪舖通舟楫

舒溪縣南源出辰漵界歷沙坪洞底通舟楫

楊溪縣南

麻伊溪縣西

羅油溪縣西

浦溪縣西南在浦市上

容溪縣東南

茗溪縣東北源出茗山

沅陵縣志

卷之四 山川

土

淥溪縣東上有塔

蕉溪縣東

硯石溪縣東

怡溪縣東源出安化界歷界亭驛通舟楫居民甚衆
溪北源出永定衛界石崖夾行盤曲溪山中俗
有四十八渡溪水之語入沅江

灘

百曳灘縣東十里俗傳漢劉尚征蠻舟行至是江流
迅疾命百人曳不前

高湧灘縣東二十里

九磯灘縣東二十里許石磯有九盤曲嶙峋水流瀟
滄

橫石灘縣東四十里有石梁橫水底

北斗灘縣東八十里灘下有七怪石隱列若斗杓

清浪灘縣東一百二十里灘口有山門灘閃電洲又
名敬畏灘怪石橫湧白浪泊天者數里上有伏波
祠舟行必虔禱焉

雷洞灘縣東一百四十里江流觸石其聲如雷

沅陵縣志

卷之四 山川

三

次灘

鳳灘俱北河內

烏速灘北河內小酉山之下

鷺子灘北河口水漲時聲若雷轟直徹城內或曰夜
半聲大鳴則城中有火災

墨巖潭縣西

銅馬潭縣西山上有銅馬一沉香船一

鐵猪潭縣西潭深無底馬希範曾鑄一鐵猪鎮之

洲

鷺翅洲縣前江中

河上洲縣東一曰龍吟洲上有廣福寺有寶塔
三洲縣西南江中

康家洲浦市上居人成村多種玉李甚佳

泉

清心泉縣廳東沈瓚有記

北泉縣治西北普庵寺前

四眼井縣治東北石上有泉天然流注街心一井二
眼去數步又一井俗名四眼井

沅陵縣志

卷之四 山川

三

噴玉泉縣東絕壁藤蘿泉聲潺潺落巖穴中吞而復
吐珠翻玉噴故曰噴玉泉旁舊有菴

蝦井縣后二里辰無蝦惟此井有之又云縣西南七
十里有一蝦井

砂井縣西光明山上舊傳出丹砂今已絕產其中深
莫測

龍頭井城內尤家巷之上水自鐵龍口出甚清冽遠
近爭汲以煮茗

古蹟 附八景

候加地曰世遠風遐往蹟難考重之好事者
流一切附會其說愈以失真茲從文獻足徵
山川有據者志之

酉陽城縣西漢武陵郡有酉陽縣治亦謂酉陵晉因
之

黔中故城城西

會溪城縣西一百八十里宋熙寧中築

白霧驛縣東南五十里 其緣始皆莫考

沅陵縣志

卷之四 山川

古

荔枝驛縣東二十里

楊溪驛縣西五十里

銅柱在會溪漢土界上高一丈二尺上八方下圓內
空人地六尺重五千斤石晉天福五年馬希範授
彭仕愬溪州刺史五姓歸誠具款狀軟血求誓希
範爲立銅柱界上學士李弘臯爲之銘其文載藝
文中

紅字碑在明溪口石壁上刻宋神宗詔章惇察訪湖
北經制蠻事並提刑趙鼎辰州布衣張翹名

八景 後益以四景

洪山疊翠洪山與郡城對峙疊峰環向霽雨晚晴嵐
氣嫵媚城中望一片遠黛不啻春光鮮妍也

酉水拖藍酉水出北河入沅江其中有水自酉洞出
者一線清澄至漲泛黃流獨中一線色拖藍直過
下南門城頭望之若翠帶飄搖

鯨閣曉鐘宋時元妙觀內置閣虔浮來鐘名曰鯨音
閣鐘聲聞百里

虎溪雲樹虎溪山之上
有樹十餘株大數圍高入雲
沅陵縣志 卷之四 山川 五

霄枝葉扶蘇煙霧繚繞影落前江潭中

砂井流丹縣西光明山上舊有井產砂

壺頭夜月壺頭山頂有池水嘗溢陰晴夜有月映池
中古詩云壺頭夜月映丹心亦善狀伏波公哉

黃草朝霞縣東十里爲黃草尾村煙簇簇林木蒼蒼
嘗有煙霞繚繞日出時更覺明媚

白田映雪縣西五里白田頭四山中長坪里許一帶
煙村酉水前繞風吹銀波雨灑碧浪宛雪中景也
或曰有田一畝雪飛去不落

後四景

銅柱經霜銅柱馬希範立近二千年猶存

浮圖捍水河上洲建塔十二級映帶江樹舟帆往來
如画

偏巖垂玉偏巖洞今名玉華內有堂房外有寺閣其
玉乳倒垂千態萬狀沅邑第一境也

酉洞晴霞小酉洞前山水清朗村煙環集風日晴霞
林谷宛映

鄢翼明曰景必以八亦成故事矣顧向水背山郡

沅陵縣志

卷之四

六

邑所尚登高作賦大夫之才有志勝覽者憑屐而
寓目詩筒記本茲焉是寄匪僅以張郡也

按沅山水怪異假非道途險僻名人碩士遊屐
日至題味爛然有不與東南華麗爭奇哉昔傳
八景後益以四又傳虎溪精舍別有八景今不
能舉其名嗟乎地之靈也係乎其人安得此中
英賢輩出事功文章爲山川大開生面庶靈秀
之鍾少驗歟

祀典志

楚南多淫祠有合于釐正之典者三壇外若城隍若名宦鄉賢以報有功彰有德也乃伏波祠雙孝廟亦列祀典不特土人感賴皆國家之所特崇也其忠孝賢良爲輿情愛慕者咸祠祀不廢例得悉志之以見一方盛事志祀典

三壇

社稷壇縣城西北

按陳氏禮書社所以祀五土之神稷所以祀五谷之神明洪武元年令府州縣各祀社稷其壇之高主之木石位之北向俱酌之五禮新儀與朱子州縣社稷說同沅陵之壇不知創始何年今僅存壇址

祭期古禮用甲日至魏始用戊日元用春秋仲月上戊日今因之

沅陵縣志

卷之四 祀典

六

祭品隋文帝時用少牢明制豕一羊一帛一黑色籩豆各四簋籩各四鉶一今仍之

山川壇縣城東

按王制諸侯祭名山大川之在其地者大宗伯以燔燎祀司中司命風師雨師唐始命祀雷而無雲明洪武元年令郡縣祀山川次年令有司以風雨雲雷爲壇六年令以風雨雲雷山川合爲一壇尋以城隍合祭壇制如社稷今僅存壇址

祭期會與春秋仲月上旬擇日今亦用上戊日
祭品牲幣如社壇帛用白色

厲壇縣城北

按會典洪武間令縣邑爲厲壇以祀境內無祀
鬼神以城隍爲祭主壇上設城隍神位壇下左
右設無祀鬼神坊里各一

祭期春以清明秋以孟望冬以孟朔

祭品上壇羊一豕一下壇羊二豕二羹飯香燭紙

左氏有言鬼有所歸乃不爲厲漢時民家皆有厲
沅陵縣志 卷之四 祀典 九
祭國家于邑厲之外每里得爲鄉厲所以禳崇亦
以仁瘥札也

祠廟

府城隍廟縣右飛霞山上

廟制不知創始何年上大庭前拜亭東西廊房列
七邑城隍前廟門又前大門

縣城隍廟縣東北池蓬司去縣百餘里廟舊在水崖
屢爲水衝沒康熙四十三年典史楊之昌爲建廟
于山頂

按縣城無城隍遠在池蓬一異也沂人莫知其由來亦無可考又一異也

名宦祠

鄉賢祠

俱見學校志

六賢祠崇正書院後今廢

旗燾廟舊辰府衛後春秋祭今廢

馬新息侯祠江南岸山上宋建又云馬希範建春秋祭同戊日明勅祀也宣德年間改建有河東薛文清瑄記嘉靖年間燬復建有王世隆記萬曆庚寅

沅陵縣志

卷之四 祀典

二十

重修有崑陽郭棻記

關王廟東校場上一東關外一西關外

火星廟縣東北並水星廟爲一

雙孝廟一西關上顏家山左內祀黃元仙今稱大王

廟一東城外內祀瞿夫人今稱婆婆廟傳自明初

勅春秋祀同戊日舊傳晉黃元仙少失怙見似母者迎歸與夫人奉養之盡禮元仙去遊歲餘辰大歉夫人備織得米注苘菜中爲羹養母元仙歸母言夫人不孝以粥菜供夫人亦不辯後元仙以薦

爲辰太守晉亡棄官隱于羅仙舖後夫人竟仙去
辰人旣傳其孝又時示靈顯因請祀于朝建雙廟
忠孝祠

一指揮吳勳征流賊陣亡事聞賜祭

一指揮王夢麒征倭陣亡贈爵勅春秋祀今俱廢

業瘞祠

江南祀分守游震德萬士和鄒善見王壘項思教
郭棐皆德政及人建祠春秋祀今廢

瞿公祠

府學右爲知府瞿汝稷建

李公祠

府城隍廟右爲知府李慶祖建

王公祠

龍興寺右爲知府王鎮建

劉公祠

府學後知府劉應中捐三千金遷建府學規制悉
備今士人德之爲建祠祀教授魯應才有記

按古祀典曰法施于民曰以死勤事曰以學定

國曰能禦大災能捍大患固人間之不敢忘者也
也沉之千載奉祀遍方土者伏波一人而已其
他奉勅典志棠廕皆有德政可傳如知府劉建
學宮數十年後相與祠祀之郡志云舊所載祠
宇今存者十之三四祀典漸失修復無人然而
感德慕義人心存焉何慮德政之莫傳耶